



Schulhaus-Song

Inhalt blockiert

Die hier anzuzeigenden Inhalte stammen von einer externen Quelle. Der Dienst setzt sogenannte Cookies ein. Aus datenschutzrechtlichen Gründen ist eine Zustimmung zu den Cookie-Einstellungen des Dienstes «Externe Inhalte» aus der Rubrik «Inhalt von externen Quellen» erforderlich.

[Einstellungen für «Inhalt von externen Quellen» anpassen](#)

LEE LEE LEE-ACHER

Strophe (4. Klasse)

Die gröschti Gfah repräsentiert

wenn im Mathiheft Tinte verschmiert

Sicherheit und Harmonie

Heiterkeit und kei Phobie

2. Strophe (1. Klasse)

Ganz egal ob Chli oder Gross

alli ränned i de zähni Pause los

uf de farbefrohi Pauseplatz

chum mir sueched zämme nachme Schatz

3. Strophe (Kindergarten)

Räbeliechtli, Advents-Singe

Projektwuche tünd stets glinge

Leelikon und Wiehnachts-Märt

Eusi Aläss, sind Gold wert

4. Strophe (3. Klasse)

Spiele Minecraft, vor dä matte Schiebe

Mit em Anton und de Ela lerni schriebe

Bechum dihei leider kei Fortnite

bi defür für de Unterricht bereit

Refrain (2x) (alle)

LEE LEE LEE-BMATINGE - Lerne, Spass und Freud am Singe

LEE LEE LEE-THARGIE - gaht während dä Schuel-Stund verbii

LEE LEE LEE-GENDÄR - sLerne fällt eus da nöd schwer

LEE LEE LEE-ACHER - isch die beschti Schuel ever

5. Strophe (2. Klasse)

D Lehrpersone sind schampaar nett

Drum gangi lieber i d'Schuel als Znacht is Bett

Au wenn emal alli bizli nervig sind

Zämmehalt wird gross gschriebe bi de Chind

6. Strophe (5. Klasse)

Stopfe voll min Schüelerthek

Mit Büächer us de Bibliothek

Chan nöd ufhöre mitem Läse

Wüssensdurscht liit in eusem Wäse

7. Strophe (6. Klasse)

Spiele im Musigunterricht

jedes Lied verzellt e Gschicht

Lerne fällt nöd schwer is Gwicht

Mir sind all deren Asicht

(5. / 6. Klasse)

Like a Boss, d' Schuel isch famos

Zwiefellos fühled mir eus gross

sind furios und leget los

bruched gar kein Denkastoss

Weggli, Rüäbli und Tomate

all Meitli, Büäbli sind guet grate

ä Kiwi, Öpfel und jetzt chunts

zum Znüni Schoggi isch was Gsunds

Sache mache s'krache lah

Plätzli bache, früäh ufstah

Lache, Spiele, Ursach verstah

Mir sind all für änand da

Krasse Spass mir gänd Vollgas

alles passt mir lernet was

mir schlönd de Bode usem Fass

so dass die Langiwil verblasst

Refrain (2x) (alle)

LEE LEE LEE-BMATINGE - Lerne, Spass und Freud am Singe

LEE LEE LEE-THARGIE - geht während dä Schuel-Stund verbii

LEE LEE LEE-GENDÄR - sLerne fällt eus da nöd schwer

LEE LEE LEE-ACHER - isch die beshti Schuel ever